



閨媛典第七卷

閨媛總部藝文四

詩

有所思

梁武帝

誰言生離久適意與君別衣上芳猶在握裏書未滅腰間雙綺帶夢爲同心結常恐所思露瑤華未
忍折

擬青青河畔草

同前

幕幕繡戶絲悠悠懷昔期期久不得歸鄉國曠音徽音徽空結遲半寢覺如至既寤了無形與君隔
平生月以雲掩光葉以霜摧老當途競自容莫肯爲妾道

擬明月照高樓

同前

圓魄當虛闔清光流思延延思對孤影悽怨還自憐臺鏡早生塵匣琴又無絃悲慕屢傷節離憂亟
華年君如東扶桑妾似西柳烟相去既路迴明晦亦殊懸願爲銅鐵轡以感長樂前

邯鄲歌

同前

回頭灞陵上北指邯鄲道短衣妾不傷南山爲君老

子夜歌二首

同前

恃愛如欲進含羞未肯前朱口發豔歌玉指弄嬌絃
朝日照綺窗光風動紈羅巧笑倩兩犀美目
揚雙蛾

子夜四時歌十六首

同前

階上香入懷庭中花照眼春心一如此情來不可限
蘭葉始滿地梅花已落枝持此可憐意摘以
寄心知 朱日光素冰黃花映白雪折梅寄佳人共迎陽春月
花塢蝶雙飛柳堤鳥百舌不見佳
人來徒勞心斷絕

以上
春歌

江南蓮花開紅光照碧水色同心復同藕異心無異
閨中花如繡簾上

露如珠欲知有所思停織復踟躕 玉盤著朱李金杯盛白酒雖欲持自親復恐不甘口
含桃落

花日黃鳥營飛時君佳馬已疲妾去蠶欲饑

以上
夏歌

繡帶合歡結錦衣連理文懷情入夜月含笑出

朝雲 七采紫金桂九華白玉梁但歌雲不去含吐有餘香
吹漏未可停絃斷更當續俱作雙絲

引共奏同心曲

當信抱梁期莫聽迴風音鏡中兩人髻分明無兩心

以上
秋歌

寒閨動黻帳密筵重

錦席賣眼拂長袖含笑留上客 別時烏啼戶今晨雪滿墀過此君不返但恐綠鬢衰 果欲結金
蘭但看松柏林經霜不墮地歲寒無異心 一年漏將盡萬里人未歸君志固有在妾軀乃無依

冬歌

歡聞歌二首

同前

豔豔金樓女心如玉池蓮持底報郎恩俱期遊梵天 南有相思木合影復同心遊女不可求誰能

息空陰

上聲歌

同前

花色過桃杏名稱重金瓊名歌非下里含笑作上聲

襄陽白銅鞮歌

同前

隋書樂志曰梁武帝之在雍鎮有童謠云襄陽白銅鞮反縛揚州兒識者言曰白銅鞮白金蹄爲
馬也白金色也及義師之興實以鐵騎揚州之士皆面縛果如謠言故卽位之後更造新聲帝自
爲之詞三曲

陌頭征人去闌中女下機含情不能言送別沾羅衣 草樹非一香花葉百種色寄語故情人知我心相憶 龍馬紫金鞍翠眊白玉羈照耀雙闕下知是襄陽兒

楊叛兒

同前

桃花初發紅芳草尙抽綠南音多有會偏重叛兒曲

河中之水歌

同前

河中之水向東流洛陽女兒名莫愁莫愁十三能織綺十四採桑南陌頭十五嫁爲盧家婦十六生兒字阿侯盧家蘭室桂爲梁中有鬱金蘇合香頭上金釵十二行足下綵履五文章珊瑚挂鏡爛生光平頭奴子擎履箱人生富貴何所望恨不早嫁東家王

怨歌行

簡文帝

十五頗有餘日照杏梁初蛾眉本多嫉掩鼻特成虛持此傾城貌翻爲不肖軀秋風吹海水寒霜依玉除月光臨戶駛荷花依浪舒望簷悲雙翼窺沼泣前魚苔生履處沒草合行人疎裂紈傷不盡歸骨恨難祛早知長信別不避後園輿

洛陽道

同前

洛陽佳麗所大道滿春光
遊童初挾彈蠶妾始提筐
金鞍照龍馬羅袂拂春桑
玉車爭挽入潘果溢高箱

執筆戲書

同前

舞女及燕姬倡樓復蕩婦
參差大戾發搖曳小垂手
釣竿蜀國彈新城折楊柳
玉案西王桃蠶杯石榴酒
甲乙羅帳異辛壬房戶暉
夜夜有明月時時憐更衣

傷美人

同前

昔聞倡女別蕩子無歸期
今似陳王歎流風難重思
翠帶留餘結苔階沒故綦
圖形更非是夢見反成疑
薰鑪含好氣庭樹吐花滋
香燒有歇日花落無還時

東飛伯勞歌

同前

翻階蛺蝶戀花情容華飛燕相逢迎
誰家總角岐路陰裁紅點翠愁人心
天窗綺井曖徘徊珠簾玉篴明
鏡臺可憐年幾十三四工歌巧舞入人意
白日西落楊柳垂含情弄態兩相知

半路溪

同前

相逢半路溪，隔溪猶不度。望望判知是，翩翩識行步。摘贈蘭澤芳，欲表同心句。先將動舊情，恐君疑妾妬。

擬沈隱侯夜夜曲

同前

靄靄夜中霜，河開向曉光。枕啼常帶粉，身眠不著牀。蘭膏盡更益，熏爐滅復香。但問愁多少，便知夜短長。

晚景出行

一作美人

同前

細樹含殘影，春闈散晚香。輕花鬢邊墮，微汗粉中光。飛鳬初罷曲，啼鳥忽度行。羞令白日暮，車騎鬱相望。

夜夜曲二首

同前

北斗闌干去，夜夜心獨傷。月輝橫射枕，燈光半隱牀。愁人夜獨傷，滅燭臥蘭房。祇恐多情月，旋來照妾牀。

烏棲曲四首

錄二首

同前

芙蓉作船絲作紉北斗橫天月將落採蓮渡頭擬黃河郎今欲渡畏風波
青牛丹轂七香車可憐
今夜宿娼家娼家高樹烏欲棲羅幃翠帳向君低
織成屏風金屈膝朱脣玉面燈前出相看氣息
望君憐誰能含羞不自前

秋闌夜思

同前

非關長信別詎是良人征九重忽不見萬恨滿心生夕門掩魚鑰宵牀悲畫屏迴月臨窗度吟蟲遠
砌鳴初霜竇細葉秋風驅亂螢故妝猶累日新衣製未成欲知妾不寐城外搗砧聲

春閨情

同前

楊柳葉纖纖佳人懶纖纖整衣還向鏡迎春試捲簾摘梅多繞樹覓燕好窺簾只言逐花草計較應
非嫌

擬落日窗中坐

同前

杏梁斜日照餘暉映美人開函脫寶釧向鏡理紈巾游魚動池葉舞鶴散階塵空嗟千歲久願得及

陽春

春宵

同前

花樹含春叢羅帳夜長空風聲隨篠韻月色與池同綵牋徒自裊無信往雲中

冬曉

同前

冬朝日照梁含怨下前牀帷寒竹葉帶鏡轉菱花光會是無人見何用早紅妝

詠晚閨

同前

珠簾向暮下妖姿不可追花風暗裏覺蘭燭帳中飛何時玉窗裏夜夜更縫衣

曉思

同前

晨禽爭學囀朝花亂欲開爐烟入斗帳屏風隱鏡臺紅妝幾盡淚蕩子何當來

獨處怨

同前

獨處恆多怨開幕試臨風彈碁鏡奩上傳粉高樓中自從征馬去音信不曾通只恐金屏掩明年已

復空

照流看落釵

同前

相隨照淥水意是重涼風流搖妝影壞釵落鬢花空佳期在何許徒傷心不同

金闥思二首

同前

游子久不返妾身當何依日移孤影動羞覩燕雙飛
自君之出矣不復染膏脂南風送歸鴈聊以
寄相思

寒閨

同前

綠葉朝朝黃紅顏日日異譬喻持相比那堪不愁思

和蕭侍中子顯春別四首

同前

別觀蒲萄帶實垂江南荳蔻生連枝無情無意猶如此有心有恨徒別離
可憐淮水去來潮春堤
楊柳拂河橋淚痕未燥詎終朝行聞玉佩已相要
桃紅李白若朝妝羞持顙頰比新芳不惜暫住
君前死愁無西國更生香
蜘蛛作絲滿帳中芳草結葉當行路紅臉脉脉一生啼黃鳥飛飛有時
度故人雖故昔經新人雖新復應故

古今圖書集成
紫騮馬

同前

賤妾朝下機正值良人歸青絲懸玉鐙朱汗染香衣驟急珂彌響踣多塵亂飛雕鞍幸可薦故心君莫違

春情

同前

蝶黃花紫燕相追楊低柳合露塵飛已見垂鉤挂綠樹誠知淇水沾羅衣兩童夾車問不已五馬城南猶未歸鶯啼春欲駛無爲空掩扉

採菊篇

同前

月精麗草散秋株洛陽少婦絕妍姝相呼提筐採菊珠朝起露濕露羅襦東方千騎從驪駒更不下山逢故夫

燕歌行

元帝

燕趙佳人本自多遼東少婦學春歌黃龍戍北花如錦元菟城中月似蛾如何此時別夫婿金羈翠毳往交河還聞入漢去燕營怨妾心中百恨生漫漫悠悠天未曉遙遙夜夜聽嚴更自從異縣心同

別偏恨同時成異節橫波滿臉萬行啼翠眉漸斂千重結並海連天合不開那宜春日上春臺唯見
遠舟如落葉復看遙舸似行杯沙汀夜鶴嘯羈縻妾心無怨生別離翻嗟漢使音塵絕空傷賤妾燕
南陲

代舊姬有怨

同前

寧爲萬里隔無作死生離那堪眼前見故愛逐新移未展春花落遽被涼風吹怨黛舒還斂啼紅拭
復垂誰能巧爲賦黃金妾不貴

車名詩

同前

長城帶江轉連葢映日分佳人坐椒屋接膝對蘭薰繞砌縈流水邊梁圖畫雲錦色懸殊衆衣香遙
出羣日暮輕帷下黃金妾贈君

歌曲名詩

同前

啼鳥怨別偶曙鳥憶離家石闕題書字金燈飄落花東方曉星沒西山晚日斜縠衫迴廣袖團扇掩
輕紗暫借青驄馬來送黃牛車

藥名詩

同前

戍客恆山下常思衣錦歸況看春草歇還見鴈南飛蠟燭凝花影重臺閉綺屏風吹竹葉袖網綴流黃機詎信金城裏繁露晚霑衣

鐵穴名詩

同前

金椎五百里日晚唱歸來車轉承光殿步上通天臺釵臨曲池影扇拂玉堂梅先取中庭入罷逐步廊迴下關那早閉人迎已復開

戲作豔詩

同前

入堂值小婦出門逢故夫含辭猶未吐綰袖且踟躕搖茲扇似月掩此淚如珠今懷固無已故情今有餘

樹名詩

同前

桃李競追隨輕衫露弱枝杏梁始東照柘火未西馳香因玉釧動佩逐金衣移柳葉生眉上珠璫搖鬢垂逢君桂枝馬車下覓親知

閨怨

同前

蕩子從遊宦思妾守房櫳塵鏡朝朝掩寒衾夜夜空若非新有悅何事久西東知人相憶否淚盡夢啼中

寒閨

同前

烏鵲夜南飛良人行未歸池水浮明月寒風送擣衣願織迴文錦因君寄武威

看摘薔薇

同前

倡女倦春閨迎風戲玉除近叢看影密隔樹望釵疎橫枝斜綰袖嫩葉下牽裾牆高舉不及花新摘未舒莫疑插鬢少分人猶有餘

古意

同前

妾在成都縣願作高唐雲樽中石榴酒機上蒲萄紋停梭還斂色何時勸使君

三婦豔

蕭統

大婦舞輕巾中婦拂華茵小婦獨無事紅黛潤芳津良人且高臥方欲薦梁塵

古今圖書集成
擬古

前人

窺紅對鏡斂雙眉含愁拭淚坐相思念人一去許多時眼語笑靨近來情心懷心想甚分明憶人不忍語銜恨獨吞聲

見姬人

蕭綸

春來不復賒入苑駐行車比來妝點異今世撥鬟斜却扇承枝影舒衫受落花狂夫不妬妾隨意晚還家

和湘東王夜夢應令

蕭紀

昨夜夢君歸賤妾下鳴機懸知意氣薄不著去時衣故言如夢裏賴得鴈書飛

曉色

前人

晨禽爭學囀朝花亂欲開爐烟入斗帳屏風隱鏡臺紅妝隨淚盡蕩子何時迴

閨妾寄征人

前人

斂色金星聚繁悲玉筍流願君看海氣憶妾上高樓

夜夜曲

沈約

河漢縱且橫北斗橫復直星漢空如此
寧知心有憶孤燈暖不明寒機曉猶織
零淚向誰道雞鳴徒嘆息

四時白紵歌五首

前人

春白紵

蘭葉參差桃半紅飛芳舞縠戲春風
如嬌如怨狀不同含笑流盼滿堂中
翡翠羣飛飛不息願在雲間長比翼
佩服瑤草駐容色舜日堯天歡無極

夏白紵

朱光灼爍照佳人含情送意遙相親
嫣然一轉亂心神非子之故欲誰因
翡翠羣飛飛不息願在雲間長比翼
佩服瑤草駐容色舜日堯天歡無極

秋白紵

白露欲凝草已黃金瑱玉柱響洞房
雙心一意共徊翔吐情寄君君莫忘
翡翠羣飛飛不息願在雲

古今圖書集成
間長比翼佩服瑤草駐容色舜日堯天歡無極

冬白紵

寒閨畫密羅幌垂婉容麗色心相知雙去雙還誓不移長袖拂面爲君施翡翠羣飛飛不息願在雲間長比翼佩服瑤草駐容色舜日堯天歡無極

夜白紵

秦箏齊瑟燕趙女一朝得意心相許明月如規方襲予夜長未央歌白紵翡翠羣飛飛不息願在雲間長比翼佩服瑤草駐容色舜日堯天歡無極

古意

前人

挾瑟叢臺下徙倚愛容光佇立日已暮戚戚苦人腸露葵已堪摘湛水未沾裳錦衾無獨暖羅衣空自香明月雖外照寧知心內傷

夢見美人

前人

夜聞長嘆息知君心有憶果自闔闔開魂交覩顏色既薦巫山枕又奉齊眉食立望復橫陳忽覺非